

**BELATUK KECIL
TENGGUK KUNING**
Lesser Yellownape

FAMILI: Picidae

NAMA SAINTIFIK: *Picus chlorolophus*

CIRI-CIRI

Individu jantan dewasa bagi sub-spesies *P.c.chlorolophus*, ia seakan-akan Belatuk Besar Tenggek Kuning, *P.flavinucha*, tetapi ianya bersaiz kecil dengan bahagian tepi atas kepala berwarna merah, terdapat garisan merah di paruh, tidak terdapat warna kuning di bahagian tekak dan bahagian bawah dada sehingga bahagian bawah ekor berwarna hijau buah zaitun-putih. *P.c.rodgeri* (Semenanjung Malaysia) mempunyai bahagian atas kepala berwarna merah dengan bahagian hujung bulu berwarna hitam. Anggaran saiz bagi burung dewasa adalah di antara 25.0-28.0 sm.

MAKANAN

Makanan utama spesies ini terdiri daripada serangga pada celah-celah pokok.

HABITAT

Spesies ini boleh dijumpai hutan dipterokap dan hutan tanah pamah sehingga ketinggian 1,830 m dari aras laut.

BUNYI

Burung ini mengeluarkan bunyi kawalan kawasan *peee-uu* atau *pee-a* dan kadang kala mengeluarkan bunyi sehingga 10 kali *kwee* atau *kee*.

PEMBIAKAN

Musim pembiakan bagi spesies ini adalah dari bulan Februari hingga Jun pada sepanjang tahun dan sarang adalah pada lubang di bahagian pokok. Ketinggian sarang adalah dari 1.5-20 m dari aras tanah. Burung betina boleh menghasilkan 2-5 biji telur pada setiap kali ianya bertelur dan telur adalah berwarna putih. Anggaran saiz telur adalah 23.3 x 19.0 mm.

STATUS

Akta 76/72, dipelihara sepenuhnya.